



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Formula acclamationum Cleri in Synodo dioecesana.

urn:nbn:de:hbz:466:1-10502

quam ex monitis internis decretorum agnoscimus, & remordente conscientia tabescentes, intimo dolore confitemur, indulgeat; & quidquid offensionis, neglecta Synodali & clericali sancta disciplina, cuius officia inoffensè præstare debemus, aliquo modo contraximus, eo condonante veniam consequamur, & à cunctis absoluiamur nostrorum nexibus errorum.

II. Fratres carissimi: ad sancta officia promerenda diuinæ miserationis gratia inspirante conuersi, toto cordis affectu Deum precemur, vt bonum, quod in nobis à Reuerendissimo Archiepiscopo, tam incenso charitatis studio & officio requiritur, omnino exequamur; vtq; prompta cum eo sollicitudine gradientes, dignè ambulemus vocatione qua vocati sumus, omniq; in opere bono crescentes, obediamus studiis Deo placitarum orationum.

III. Fratres carissimi: toto cordis affectu orate, vt in omni humilitate, & mansuetudine ambulemus; vt solliciti seruare vnitatem spiritus in vinculo pacis, & Christi dñi iugū quod suauè est, & onus leue patienter portantes, demum hæreditemus cœlestem terram viuentium, & multitudinem pacis æternæ delectemur.

Quæ orationes semper recitantur in vltima die, & sessione Synodi: & vbi fiat sessio quarta, ponantur orationes etiam infra scriptæ in penultima die.

Orati mentalis.

I. Fratres carissimi: Pio internæ deuotionis & orationis affectu orate pro Reuerendiss. Archiepiscopo nostro, vt spiritualibus amplificetur augmentis, & uerbo, & exemplo, quibus præest proficiat, ad vitam sempiternam.

II. Fratres carissimi: toto cordis affectu orate pro ministris Reuerendissimi Archiepiscopi, quatenus dum manus in bonis operibus eleuant, laborum suorum à Deo benedictionem largissimam consequantur.

III. Fratres carissimi: obsecremus Deum omnipotentem, vt toties, præsertim in hac Synodo nos moniti, & ad spi-

ritum Sacerdotalem excitati, adiutrice eius diuinæ gratia, viam latam & spatiosam relinquamus, quæ ducit ad perditionem; & diuinæ virtutis dextera, deducamur ad illam angustam atque arctam spiritualis vitæ semitam quæ ducit ad vitam, illamque viam vsque ad obitum pergamus, quousque ad Christum dominum perueniamus, qui est nobis via, veritas, & vita: Amen.

Postremò acclamationes de more in hunc modum actæ sunt, toto Clero acclamante.

Acclamationes cleri in Synodo Diocesana.

Archid. Deo patri misericordiarum, & Deo totius consolationis, gratia.

Responso. Immensa est misericordia tua super nos domine, qui conciliorum exercitationibus rectum iustitiæ tuæ traxim, & discipline regim iugiter docere dignatus es: tibi laus, tibi honor, tibi gloria, in sæculum, & in æternum.

Archid. Beatissimo Gregorio Papæ, & domino nostro sanctæ vniuersalis ecclesiæ Pontifici, cunctarum gentium obedientia, & christiani nominis in omnem terram propagatio.

Respon. Domine Deus, Sanctissimum Patrem gratia tua custodi, vt eo gubernante, gentes sancto veræ fidei lumine persusa, in vnum Ecclesiæ tuæ ouile colligantur.

Archid. Reuerendissimo Archiepiscopo nostro salutaris vigilantia.

Respon. Omnipotens Deus, super Aristitæ nostrum benedictionum tuarum dona perpetuè multiplica.

Archid. Serenissimo Regi Philippo, Christianæ religionis defensori, perpetua felicitas.

Respon. Æterne Deus, Catholicum Regem nostrum in amore tuo conserua, vt cœlesti gratia tua auctus, omni tua benedictione perpetuè dilatetur.

Archid. Populo Mediolanensi pax Christi æterna.

Respon. Memento domine Deus in beneplacito populi tui, ac perpetuum tuæ benedictionis rorem illi infunde.

Archid. Nos Dei voluntatem explen-

tes, & sancta decreta in omni opere bono exequentes, digni reddamur misericordia & gratia magni & summi Sacerdotis Iesu Christi Dei, intercedente simul Beata eius genitrice Virgine Maria, Beato Ambrosio confessore Patre nostro, & omnibus sanctis.

Respon. Amen. Amen.

Quibus absolutis Illustrissimus Archiepiscopus dedit omnibus Canonicis ordinariis Ecclesie Metropolitanæ, & præpositis collegiarum Ecclesiarum Ciuitatis, & Diocesis, & Vicariis foraneis, & Syndicis regionum Ciuitatis, osculum pacis: & demum cum benedictione solenni, & publicatione Indulgentiarum dimisit vniuersum Clerum.

Formula attestationis electionis & approbationis Iudicum Synodaliū.

Fidem facio & attestor ego N. Cancellarius Archiepiscopalis, in Synodo Diocesana N. Mediolanensi sub die . . . mensis N. inter ipsius Synodi celebrationem, ex pluribus propositis, infrascriptos RR. DD. Iudices causarum, ex præscripto Tridentini Concilii electos, approbatos, designatos, ac deputatos fuisse; videlicet, Multum RR. DD. N. N. N. N. N. N. N. I. V. Doctores. In quorum fidem & attestationem præsentem manu mea subscriptas, & sigillo Archiepiscopali Sancti Ambrosii munitas fieri volui. Dat. &c.

Formula prorogationis Synodi Diocesanae.

Carolus &c. Superiori proximo anno, Synodum diocesanae, quam ex Concilio Tridentini præscripto quotannis habere debemus, hoc anno, die 18. mensis Octobris, qui dies est Sancti Lucae Euangelistæ, habendam celebrandamque esse, nos in ipso Diocesano con-

uentu indiximus. Sed cum & visitatio in diocesi nostra à Reuerendissimo Visitatore Apostolico inchoata, nondum perfecta sit; & nos visitationis etiam à Sanctissimo Domino nostro Gregorio Decimo tertio nobis delegatæ, occupationibus hoc tempore detineamur; illam differendam esse censuimus, prout his literis in alium diem arbitrata nostro statuendum, aliisque literis edicendum, differimus, & prorogamus. In cuius rei fidem, has, quas edicti publici vim habere volumus, sigillo Archiepiscopali Sancti Ambrosii obsignatas, Cancellariisque nostri subscriptione munitas, in valuis Metropolitanæ nostræ Ecclesie, ædiumque Archiepiscopaliū, publicè proponi assignique mandauimus. Dat. &c.

Alia eiusdem generis.

Carolus &c. Synodum diocesanae, quæ decreto perpetuæ indictionis in Synodo proxima per nos edito, die 24. mensis Aprilis hoc anno futura erat, ob pestiferam contagionem, à qua adhuc, peccatis nostris ita exigetibus, hæc vrbs, & diocesis omnino libera non est, in aliam certam diem, arbitrata nostro statuendam, publiceque indicendam, prorogamus, ac differimus. In cuius rei fidem &c. Dat. &c.

Alia eiusdem generis.

Synodum diocesanae, quæ ex decreto nostro in Synodo proxima superiore indicta, & in Epiphania Domini iussu etiam nostro à Reueren. Archidiacono in Metropolitana Ecclesia solenniter denunciata, & in Calendario adscripta die vigesimo Aprilis, hoc anno futura erat, prorogamus ac differimus ad diem vigesimum sextum mensis Maii proxime sequentis. In cuius rei fidem &c. Dat. &c.